

جَزَائِرَ حَكِيمَتِ

جمعه ایرتسی

نومرو	شوال	سنه	مارت	سنه	صحیفه
۸۱۵	۴	۱۳۱۲	۱۸	۱۳۱۱	۱۱۳۵۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکر می فروش)
 (حسابیله التمش غروشدیر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولمق اوزره یوزپاره یه هر یرده صاتیلور . درج اولنه جق)
 (اعلاناک هر برندن بر مجیدیه اخذ اولنور . سنه لکنه مشتری اولمق استیانلر عدلیه نظاری)
 (دائرة سنده کائن جریده محاکم اداره سنه مراحت ایللیدر)

دعاوینک معلومی اولمق اوزره اعلان کیفیتیه
 ابتدار اولندی .

فی ۷ شوال سنه ۳۱۲
 وفی ۲۱ مارت سنه ۳۱۱

توجیهات

درسعات استیناف محکمه سی اعضا سندن
 عطف و قلو صالح بک افندی حضرت تلیرینه حسن خدمتی

قسم رسمی

اعلان رسمی

محکمه تجارت مارتک یکر می بشنجی جمعه ایرتسی
 کونندن اعتباراً بهر یوم ساعت بشده کشاد
 اولنه رق التی به قدر ارباب مراجعتک افاده لرینی
 استماع ایله برابر امور داخلیه ایله اشتغال ایده جکی
 وساعت التیده محاکمه ابتدار اولنه جفی اصحاب

ومساعی مدوحه سی مشاهد اولسنه مبنی ترفیماً
رتبه بالا توجیه بیورلشد .

(فی ۲۸ شعبان سنه ۳۱۲ و فی ۱۱)
(شباط سنه ۳۱۰ تاریخچه بالجله ولایات)
(استیناف محکمه سی مدعی عمومیلرینه ومدعی)
(عمومی بولنمیان محاکم مدعی عمومی معاونلرینه)
(یازیلان تحریرات عمومی صورتیدر)

مأمورین کفلاسندن امور تجارتله مشغول
اولنلرک ویره جکری کفالت سندانتک تجارت اوطله
لرندن صنوف سائردهن بولنلرک مجلس اداره لردن
وهیت عمومی سنک مقاولات محرر لکرنندن
تصدیق اولنه جنی و تجارت اوطه سی بولنمیان
محاکمده تجارت اولان کفلانک اقتدار مالیرینک
مجلس اداره لردن تصدیق اولنه رق احکام
عمومی سنک کذلک مقاولات محرر لکرینه تصدیق
ایتدیریله جکی قرارعالی اقتضاسندن اوله رق کیفیت
تعمیماً رسومات نظارتلرینه تبلیغ قلنمش ایسه ده
قرار مذکورده کفلا یوقلمه سی شهادتنامه لرینک

صورت تصدیقه دائر صراحت اولدیغندن واشبو
شهادتنامه لر کفلانک ثروت و اقتدار مالیرینک
بردوام بولندیقی مصدق اوله جفته نظراً حکم
کفالتی تأییداً احتجاج اوله جق اوراق مثبته دن
اولان وفرعک اصله تبعیتی حسیله کفالتنامه حکم
قوتی حائر بولنان مذکور شهادتنامه لری دخی
کفالت سنداتی منللو تصدیق ایتدیرلسی مناسب
اوله جفتندن بخله اجرای ایجابی حقنده رسومات
امانت جلیله سندن تقدیم اولنان تذکره شورای
دولت تنظیمات دائره سنه لدی الحواله کفلانک
آلتی آیده برکزه درجه اقتدارلرینک تحقیق اصل
کفالت متفرع معاملاتدن اولدیغندن یوقلمه
شهادتنامه لری حقنده دخی قرار مذکور وجهله
معامله اولنمی لازم کله جکنه دائر تنظیم اولنان
مضبطله صورتنک ارسال بیورلدینی بیان عالیسله
ایضای مقتضای ۲۲ قانون اول سنه ۳۱۰ تاریخلو
بیورلدی سامیده امر و اشعار بیورلش اولقله
اولوجهله ایضای معامله اولنمی لزومنک ایجاب
ایدنلره تبلیغ سیاقنده شقه ترقیمنه
ابتدار قلندی .

قسم غیر رسمی

محکمه استیناف حقوق قسمندن ۱۹ تشرین
ثانی سنه ۳۰۴ تاریخی و یوز اوتوز ایکی عددی
ایله ویریلان اعلامک تمیزینی استدعا ایدن قاسم
پاشاده قورب چلبی محله سنده اوتوز بش نومرولی
خانه ده متمکن حاجی مصطفی افندی وکیل روپن
قیوجیان افندی ایله ممیز علیه قاسم پاشاده جامع
کیر محله سنده اوتوز اوچ نومرولی خانه ده ساکن
قول اغامی ابراهیم ادهم افندی یوم معینده
دائرهبه کلدکرنندن ایضاحات شفاهیله لری استماع
قلندی .

اعلام مذکورک مالی مومی الیه ابراهیم ادهم
افندینک یشاق صیران زقاغنده کائن اوتوز درت
نومرولی خانه عرصه سی مبایمه ایتک اوزره
مومی الیه طوغله جی حاجی مصطفی افندی به
ویرمش اولدینی تحقیق ایدن یوز اوتوز طقوز
عدد لیرانک مع فائض بالغ اولدینی یوز تیش طقوز
لیرانک حاجی مصطفی افندیدن تحصیلنه قرار

ویرلدیکندن و مستدعی وکیل روپن قیوجیان
افندینک اشبو حکم علیه ده کی اعتراضاتنک خلا -
صه سی مبلغ مدعا به موکلنه امانه ویرلیوب
جانب محلولاندن موقع مزایده به قونیلان بر
قطعه عرصه نک اشتراسی ضمنتده ویرلدیکی موکلنک
بویابده اجرا قلنان تحلیفی ایله تحقق ومومی الیه
ابراهیم ادهم افندینک مذکور عرصه به پی
سوردیکی دخی مزایده پوصله سنده کی امضاسیله
ثابت ایکن بورالرینه دقت اولنمیه رق حکم
اولنمی مغایر قانون اولدیغندن بخله اعلام
استینافینک نقضی ومدعی علیه ادهم افندینک
نتیجه جوابی دخی مبلغ مدعا به امانت اولدینی
خصمنک تحلیفه ثابت اولوب پی سورمکلنک
دخی دعویه تأثیری اولمیه جفی واذن متولینک
عدم وقوفندن طولانی فائض طلبنه حتی درکار
بولندی بیانیله اعلامک تصدیق طلبندن عبارت
بولنمشدر .

ایجابی لدی المذاکره اعلام مذکور مندرجاتندن
منقهم اولدینی اوزره محاکم نظامیه دن صادر اولان
اعلاماتنک بر ماده قانونیه به استنادی اصول محاکمه
حقوقیه قانوننک یوز اوتوز التنجی ماده سی
اقتضاسندن بولندی حالده عند الاستیناف بوجهت

قانونیه به عدم رعایتله بر ماده قانونیه بنسای حکم
اولنامه می مخالف قانون بولنش اولدیغندن اصول
محاکمه حقوقیه قانون موقتک ایکوز قرق برنجی
ماده می موجبجه اعلام مذکورک نقصنه وزیرده
مفرداتی مرقم درتیوز طقوز غروش مصارف
محاکمه نک ایلروده حقسز چیه جق طرفه رجوع
ایتمک اوزره اول امرده مستدعیدن التمسینه
۱۱ شباط سنه ۳۰۴ تاریخنده متفقاً قرار ویریله
رک تفهیم قلندی .

کر ادرمید بدایت محکمه سندن ۲۶ حزران
سنه ۳۰۲ تاریخی والی عددی ایله ویریلان
اعلامک تمیزی استدا ایدن کر ادرمید قصبه سنده
مقیمه عایشه خاتون یوم معینه کلش ایسه ده مدعی
علیه قصبه مذکوره ده مقیم محمد افندی کلدیکی
کی جواب لایحه می دخی کوندر مامش اولد-
یغندن مستدعیه عایشه خاتونک ایضاحات شفاهی می
استماع قلندی .

اعلام مذکورک مالی مزبورده عایشه خاتونک
اوغلی متوفی احمد افندی ک عهدۀ تصرفنده ایکن
وقوعوفانیله کندوسنه انتقال ایدن کر قصبه می
جوارنده قریه نام محله کائن معلوم الحدود درت
دویم ترلایه دیگر مخدومی مومی الیه محمد افندی
جانبندن وقوعبولان مداخله نک منعیله اون سنه لک
حاصلاتک مومی الیه دن تحصیلی حقنده اقامه
ایتدیکی دعوانک سبق ایدن محاکمه غیابی می
نتیجه سنده مزبورده عایشه خاتونک اون سنه دنبرو
سکوت ایدرک ترلای مذکور حقنده برکونه
دعواده بولمیدنی وترلای مذکور ایسه مومی الیه
محمد افندی جانبندن باغ حالله ارجاع ایدلدیکی
بیانیله اراضی قانوننامه همایونک یکرمی بشنجی
ماده می موجبجه مزبورده عایشه خاتونک اراضی
دعواسنک ردیله مزبورده نک حسب الوارثه حصه
می بولنان سدس حصه سنک بره موجب شرع شر-
یف توزیع و تقسیمه قرار ویرلدیکندن و مستدعیه
عایشه خاتونک اشبوقار علیه ده کی اعتراضاتک
خلاصه می دعوی عقار و اراضی به متعلق ایکن
ذی الیدلکک بینه ایله اثبات اولنامه می مغایر قانون
اولدیغندن بختله اعلامک نقضی استدعا سندن
عبارت بولمشدر .

ایجابی مذاکره اولندقد ترلای مذکور
اراضی قانوننامه سنک برنجی ماده سنده بیان اولنان
اقسام اراضیدن قفی قسمدن اولدینی بیان
اولنامه می و ذکر اولنان ترلا اراضی امیریه دن اولدینی
تقدیرجه اراضی مأمورینک حاضر بولمیدر لمامی
وبجمله احکامنه توفیقاً ترلای مذکور حدودینک
تعیین وترلای مذکوره کیمک طرفندن وضع ید
اولندیغنک بالینه اثبات ایتدیر لمامی و متوفی
احمد افندی ک وراثتی کیملره منحصر بولندیغنک
بامعرفت شرع شریف تبین ایتدیر لمامی و کروم
حقنده برکونه دعوی سبق ایتماش ایکن کرومک
تحت حکمه التمسی و خصوصیله مزبورده عایشه خاتونک
اون سنه مدت سکوت ایدوب اقامه دعوی ایتمامی
قانوناً معتبر اولان اعذارن بر عذرده مبتی بولنوب
بولمیدنی حقنده تحقیقات مقتضیه اجرا قلنمقسز بن
دعوادن منعه قرار ویرلمی مغایر قانون بولنش
اولدیغندن اصول محاکمه حقوقیه قانون موقتک
ایکیوز اوتوز ایکنجی و ایکوز قرق برنجی ماده لری
موجبجه اعلام مذکورک نقصنه وزیرده مفرداتی
مرقم اوچیوز اوتوز سکر غروش مصارف
محاکمه نک ایلروده حقسز چیه جق طرفه رجوع
ایتمک اوزره اول امرده مستدعیه مزبورده عایشه
خاتونک التمسینه فی ۲۷ شباط سنه ۳۰۴ تاریخنده متفقاً
قرار ویریلرک مومی الیه عایشه خاتونک تفهیم قلندی .

پرزرین بدایت محکمه سندن ۲۴ مارت سنه
۳۰۴ تاریخی و اون الی عددی ایله صادر اولان
اعلامک تمیزی استدا ایدن پرزرین قصبه سنک
کاتب سنان محله سنده مقیم زراعدن شریف اغا ایله
بیرعلیه قصبه مذکوره نک سراجخانه محله می
ساکنلرندن تاجر مانو تعیین قلنان کونده دائره یه
کلکدرندن اصول محاکمه حقوقیه قانون موقتک
ایکیوز یکرمی طقوزنجی ماده می موجبجه اوراق
اوزرینه تدقیقات تمیزی اجرا سنه ایتدار اولندی .

اعلام مذکورک مالی مرقوم مانونک متوفی
محمود اغانک پرزرین ایتم سندیقنه دخی اولوب
اوغلی مرقوم شریفک امریله تأدیه ایتمش اولدینی
اوچییک طقسان ایکی غروشک تحصیلانی دعوی
ایتمسنه قارشو مرقوم شریف دخی مبلغ مذکورک

مرقوم مانو ذمتنه با اعلام محكوم به مطلوبی بولنان
اون بریسک یکر می غروشه محسوب ایدیلرک
تسویه ایدیلرکی مدافه در میان ایتش ایدیه
اعلام مذکورک مزبور مانویه تبلیغ ایدیلرکی ثابت
اوله ماه سنه منی اجرانی غیر جائز اولدینی بیانیله
مبالغ مدطابک مرقوم شریفدن تحصیانه حکمدن
ومستدعی مرقوم شریفک اشبو اعلام علیهنده کی
اعتراضاتک خلاصه سی انشای محاکمه ابراز
ایدیلرکی اعلامک عیناً و یا خلاصه اعلامه درج
ایدلامسی قانونه مغایر اولدیفندن بختله اعلامک
نقضی و بجز علیه مانونک جوابی دخی بوبابده کی
اعتراضات واهی اولوب حکم مذکور اسباب
موجبیه مستند اولدینی بیانیله تصدیق طلبندن
عبارت بولنشدر .

ایجابی مذاکره اولندقدده محاکم نظامیه دن
صادر اولان اعلامات احکامک بر ماده قانونیه
مستند اولسی اصول محاکمه حقوقیه قانوننک
یوز اوتوز التجی ماده سی اقتضاسندن ایکن حکم
محلنده بر ماده قانونیه کوسترلسمسی و مرقوم
شریف اغاجا بنندن عند الحاکمه مبالغ مدطابه مذکورک
مرقوم مانو ذمتنه محكوم به اولان مطلوبندن
تسویه اولدینی ادعا اولندرق بر قطعه اعلام ابراز

بر غمه بدایت محکمه سندن ۱۲ مایس سنه ۳۰۲
تاوینچی ویکرمی بش عدیلله ویریلان اعلامک
تمیزینی استدعا ایدن قزاقق مهاجرلرندن اولوب
بر غمه قضاسنه تابع ایازمند ناحیه سنده ساکن مصطفی
ومحمد علی اغا لرفسارندن اصالة و دیگر مصطفی ومحمد

طرفلرندن وكالة و بجز علیه ناحیه مذکورده مقیم
قوجه عثمان وقوجه احمد واسماعیل ومصطفی
ومحمود وحسن عالی و دیگر احد طرفلرندن ابراهیم
حق افندی کذلک وكالة تعیین اولنان کونده
دائره به کلککلرندن ایضاحات شفاهیه لریله باش
مدعی عمومی معاونی سعادتلو یوزاکی افندیسنک
مطالعہ سی استماع قلندی .

اعلام مذکورک مالی مرقومون قوجه عثمان
وقوجه احمد ورقاسنک باند خاقانی عهده تصر
فلرنده بولنان معلوم الحدود اراضی و بلاموطلق
ینسه یکی محله مهاجرلرندن مرقومون مصطفی
ورقاسی طرفلرندن وقوجه کلان مداخله لرینک
منی حقندده اقامه ایتدکاری دعوانک بر غمه
بدایت محکمه سنجه سبق ایدن محاکمه نتیجه سنده
اراضی منازع فیهادن ایکوزاون دونم مقداری
محل حقندده مجلس اداره حضورنده طرفین متخاصمینک
عقد مصالحه ایتدکاری اولباید ابراز ایدیلان
صلحنامه مالندن اکلشلیدیفندن بختله اولقدار
اراضی به مدعیار جانبندن وقوجه بولان مداخله نک
منعنه و اراضی سائر به کلنجه بونلرک مدعیاره
ترک وتخصیص قلندی و الیوم دخی سندعات
خاقانیله عهده تصر فلرنده بولندی هیئت

کشفیه جانبندن تنظیم واعطا قلنان راپورتو
مندرجانیله تحقق ایتدیکندن بختله اراضی قانون
نامه سنک اون دردنجی و بختله نک یدییوز اوتوز
یدنجی ماده سی موجبیه اراضی مذکورده
مدعی علیهمک منع مداخله لریله مستدعیارک
یدلرنده ابقاسنه قرار ویرلیدیکندن ومستدعیارک
اشبو حکم علیهنده اعتراضاتک خلاصه سی اراضی
مذکورده نک قاضی قریه سی اراضی معطله سندن
اولدینی وحقوق تصرفیه سی بیت الماله عائد بولندی
حصصی طرفندن مجلس اداره حضورنده اقرار
اولدینی حالده بوراسنک نظر دقته التماسی مغایر
قانون اولدیفندن بختله اعلامک نقضی و مدعی
وکیل ابراهیم حق افندیکن جوابی اعلام مذکور
موافق اصول وقانون ایدوکی بیانیله تصدیق
طلبندن ومعاون مومی الیهک مطالعہ سی دخی
اهالی قریه نک قوم محصور اولوب اولدفلرینک
تحقیق ومدعی عمومینک مطالعہ سی استماع
قلنامسی مغایر قانون اولدینی بیانندن عبارت
بولنشدر .

ایجابی مذاکره اولندقدده منازع فی اولان
اراضینک منافی عمومه عائد اراضی قیلندن
اولوب بلیکه اهالی مرقومه دن برینک بشقه بشقه

تصرفنده اولدینی اعلام مذکور مطالعه سندن
مستبان اولوب شو حالد مدعی بولنان مرقومك
اراضی مذکورده بشقه بشقه سندلرله عهدہ
تصرفلرند اولوبده عموم اهالی بیننده مشترك
اولدینی تحقق ایتدیکی حالد هر برلرینك
تصرفنده بولنان اراضینك سندلرله مقدار
وحدودلرینك اكا كوره آرو آرو تحدید و تعیین
ووضع بدك بالینه اثبات ایتدیرلرلك تشکیک
طرفین اولنسی اقتضایدرایکن بوداژده اجرای
تدقیقات اولنقسزین دعوای واقعه نك منافی
عموم اهالی بیننده مشترك اولان مرعی ویایلاق
دعواسی کی اجرای محاکمه اولنسی مغایر قانون
بولنش و معاون مومی الیهك مطالعه سی شایان
قبول کوریله مامش اولدیغه بناء اصول محاکمه
حقوقیه قانون موقتك ایکوز قرق برنجی
ماده سی موجبجه اعلام مذکورك نقصنه وزیرده
مفرداتی مرقم یدییوز اون الی غروش مصارف
محاکمه نك ایلروده حقسز چیه حق طرقر رجوع
ایتمك اوزره اول امرده مستدعیلردن الخمسنه
۲۱ کانون ثانی سنه ۳۰۴ تاریخنده متفقاً قرار
ویریلرلك تفهیم قلندی .

اعلام مذکورك خلاصه مالی مذکور و بوجان
قریه سی اهالیسی حیواناتنك رعینه مخصوص
اولدینی اهالی مرقومه وکیلری جانبندن ابراز
اولنان اعلام شرعی مندرجاتی واجرا قلنان
کشف و تحقیقات ایله ثابت اولان معلوم الحدود
مرعایه مرقومان خلیل واحد اغارله قونیجه
قریه سی اهالیسندن حسین کهیا جانبندن وقوعه
کلان مداخله نك منعه حکمدن و مستدعیلر وکیل
عزت افندیك اشبو حکم علیهنده کی اعتراضاتنك
خلاصه سی دعوی عموم اهالی به متعلق اولدینی
حالد یالکز موکلرینك خصومتیه محاکمه و حکم
اولنسی و مرعای مذکورده ذی الیدلکک بالینه

اثبات ایتدیرللمسی مغایر قانون اولدیغندن بحثله
اعلامك قضی و مجیز علیه و بوجان قریه سی اهالیسی
وکیل ولی افندیك نتیجه جوابی مرعای مذکورك
موکلرینك قریه لرینه مخصوص اولدینی اعلام
شرعی ایله و خصملرینك اجر تله حیوان رعی
ایتدکاری و یرمش اولدقاری سندله متحقق
اولدینی بیانیه اعتراضات واقعه نك ردی واعلا-
مك تصدیق طلبندن و معاون مومی الیهك
مطالعه سی دخی دعوای واقعه نك اولجه شرعاً
رؤیت اولنهرق اعلام شرعی به ربط اولن دینی
حالد محکمه نظامیه جه بتکرار رؤیتی مغایر
قانون اولدینی بیانندن عبارتدر .

ایجابی مذاکره اولندقدده اعلام مذکور
مطالعه سندن اکلاشلدینی اوزره دعوای واقعه به
قارشو مدعی علیه اولان احمد و خلیل و حسین
اغارلك نتیجه مدافعه لری منازع فیه اولان مرعاده
قریه لری اهالیسی حیواناتنك دخی مشترکاً رعی
اولنقدده اولدینی بیان و ادعادن عبارت اولسنه
نظراً ذات دعوی هر صورتیه منافع عمومیه متعلق
اولدیغه مبنی محکمه جه اول امرده مذکور قریه لر
اهالیسنك قوم محصور اولوب اولدقارینك تدقیقیله
اکا کوره تشکیک طرفین اولنق لازم کلور ایکن

بولندن ذهول اولنغله برابر مستدعی اولان و بوجان
قریه سی اهالیسی طرفندن وکالت ایتمش اولان
محمد و حسن و سائر نك موکلرینك اسامیسی تعداد
اولنهرق کیملر طرفندن وکیل اولدقارینه تعرض
اولنیه رقیالکز اهالی عمومیه نك وکیلری اولدقاری
بیانیه اکتفا اولنسی اصول محاکمه قانوننه
و محله نك بیك الیوز قرق بشنجی ماده سنه مغایر
اولدینی کی بومقوله دعاویده اول امرده ذی
الیدلکک بالینه اثبات اولنسی محله احکامندن ایکن
بوجهته دخی رعایت ایدللمسی و مدعیلر جانبندن
ابراز اولنوب مدار حکم اتخاذ اولنان اعلام
شرعی ثبوتی حاوی اولیوب بلاینه معارضه دن
منی متضمن اولدینی حالد اعلام مذکور
اوزرینه بنای حکم ایدلش اولسی دخی قانونه
مغایر بولنش اولدیغه و معاون مومی الیهك
مطالعه سی شایان قبول کوریله مدیکنه بناء
اصول محاکمه حقوقیه قانوننك ایکوز اوتوز
ایکنجی و ایکوز قرق برنجی ماده لری موجبجه
اعلامك نقصنه وزیرده مفرداتی مرقم بشیوز
قرق بش غروش مصارف تمیزیه نك ایلروده
حقسز چیه حق طرفه رجوع ایتمك اوزره اول
امرده مستدعیلردن الخمسنه ۲۳ شباط سنه ۳۰۴

تاریخچه متفقاً قرار ویریله رک طرفین وکیللرینه تفهیم قلندی .

وچیریللغه مومی الیها خدیجه نظیره خانم طرفندن وقوعبولان مداخله نك منی حقنده کونان بدایت محکمه سندن ویریلان اعلامك قره سی بدایت محکمه سنجه استینافاً بالتدقیق ذی الیدلکک بالینه قابت اولماسندن طولانی فسخته نصرکه سبق ایدن محاکمه و تدقیقات نتیجه سنده مذکور مرعی وچیریللغك قریه مذکوره اهالیسنه مخصوص اولدینی اتنای کشفده تواتراً اثبات ایدلسنه مینی مومی الیها خدیجه نظیره خانمك منع مداخله سنه حکمدن و مستدعیه نظیره خانم وکیللرینك اشبو حکم علیهنده کی اعتراضاتك خلاصه سی اهالی طرفندن وکالت ایدن وکیلک کیملر طر - فندن توکیل ایدلدیکی بیسان و تصریح ایدیلهرک شو صورتله تشکیل طرفین خصوصنه دقت ایدلامسی و ذی الید حقنده استماع اولنان شاهدلر تذکیر ایدلدیکی کی حکمه مأذون اولیان نائبك استماع ایدلدیکی اهل وقوفك افادانه بنسأ حکم اولنمسی مغایر قانون اولدیفندن اعلامك تقضی و بجز علیه اولان اهالی قریه نك نتیجه جوابی اعتراضات واقعه واهی اولوب اعلام مذکور حکمی موافق قانون اولدینی بیانیله تصدیق طلبندن و معاون مومی الیهك مطالعه سی دخی اعتراضات

قره سی بدایت محکمه سندن قیه نیسان سنه ۳۰۴ تاریخی ویش عددی ایله صادر اولان اعلامك تمیزی استدعا ایدن اسکدارده طوبخانه لی اوغلنده استاوروز سوقاغنده اونبر نومرولی خانه ده ساکنه سریاور سابق خلیل پاشا حلیله سی خدیجه نظیره خانم وکیللری صبحی ونشئت بکلر تعیین اولنان کونده دائره ککش ایسه لرده بجز علیه اولان کونان قضاسنه تابع یرامیج قریه سی اهالیسی وکیللی محمد رشید افندی کلدیکنده ن یالکز وکیلان مومی الیهانك ایضاغات شفا هیله لریله باش مدعی عمومی معاونلرندن سعادتلو یوزغا کی اقدینك مطالعه سی استماع قلندی .

اعلام مذکورک مالی مذکور یرامیج قریه سی اهالیسنه مخصوص اولان معلوم الحدود مرعی

مسروده نك موافق قانون اولدینی بیانندن عبارت بولمخشدور .

ایجابی مذا کره اولندقدده اعلام مذکور مندرجاتندن مستبان اولدینی اوزره مذکور یرامیج قریه سی اهالیسی نامنه ابراهیم ادهم افندی نام کسسه طرفندن ایضای وکالت ایدلمش اولوب وکیل مومی الیهك کیملر طرفندن وکیل تعیین ایدلدیکنك اعلامه درج اولنمسی لازم کلور ایکن یالکز اهالی طرفندن وکیل اولدینی بیان ایله اکتفا اولنمسی اصول محاکمه مخالف اولدینی کی دعوی عقاره متعلق اولدیفندن اول امرده دعوانك محکمه نظامیه جه رؤیتی وظیفه داخلنده ایدو کی اکلشلق ایچون عقار مذکورک اوقاف صحیحیدن اولوب اولدیفنك تحقیق و محله نك بیک یدییوز الی در دنجی ماده سی منطوق نتیجه منازع قیه اولان عقارده ذی الیدلک بینه ایله اثبات اولنمق مقتضی اولوب طرفینك تصادفی یعنی مدعینك دعواسی اوزرینه مدعی علیهك اقراریه مدعی علیهك ذی الید اولدیفنه حکم اولنه میه جنی بدیهی اولدیفنه و عند الاستیناف ذی الیدك تحقیق ضمننده استماع ایدیلان شاهدلرک عادل اولدقلرینك مشهود علیه جانبندن بیان و تصدیق ایدلمسی ایسه محله نك

بیک یدییوزاون التنجی ماده سنده مصرح اولدینی اوزره مدعیسی اقرار دیمك اوله رق بنسأ علیه مذکور ۱۷۰۴ نجی ماده قانونیه و جنبه اشبو اقرارایله ذی الیدلکک حکم اولنه میه جنی جهته له محکمه جه ذی الیدلکک شهادت ایدن شاهدلرک تزکیه سربیه وعلینه لری اجرا اولندقدن نصرکه وضع یدك ثبوتیه حکم اولنمق مواد مذکوره احکامنندن ایکن شهادت مذکوره نك خصم طرفندن تصدیق اولنمش اولمسی سر رشته سیله شاهدلرک تزکیه سندن صرف نظر اولمسی مخالف قانون اولدیفنه و دعوی واقعه دن طولانی اهالی قریه وکیلنك اقامه ایدلدیکی تواتر بینه سنی استماع ایدن نائبك انهایسله محکمه جه حکم اولنمسی نائب مومی الیهك محله نك بیک سکریوز التنجی ماده سی موجبجه حکمه مأذون اولمسیله مشروط ایکن نائب مومی الیهك حکمه مأذونیتی حقنده اعلامده برصراحت اولدینی حالده استماع وانها ایتش اولدینی تواتر بینه سینه بنای حکم اولنمسی ماده مذکور حکمنه مغایر اولدینی کی مستأنفه اولان خدیجه نظیره خانم وکیللی جانبندن ابراز اولنان اعلام شرعی طرفین بیننده متخذث تصرف شخصی دعواسی حقنده اولوب دعوی حاضره ایسه محل منازع قیه مذکورک قیدلرینه مخصوص مرعی اولدیفنه متدائر

اوله رق اهالی عمومی طرفندن اقامه اولنمش
ووجهتله مذکور اعلام شرعیك خصوص
مذكوره تعلق اولدینی درکار بولنمش ایکن
محکمه جه اعلام مذکورك شمیدیکی دعویاه عدم
شمولی اعلام مذکور تاريخك فرمان عالیشان
تاریخندن مقدم اولمسیله تعلیل ایدلمسی موافق
اصول اولدیغنه و معاون مومی الیهك مطالعه سی
شایان قبول کوریه مدیکنه بناء اصول محاکمه
حقوقیه قانون موقتیک ایکی یوز اوتوزایکنجی
وایکیوز قرق برنجی ماده لری موجبجه اعلام
مذکورك نقصنه وزیرده مفرداتی مرقم درت یوز
الی غروش مصارف تمیزیه نك ایلروده حقسز
چیقه جق طرفه رجوع ایتك اوزره اول امرده
مستدعیه خدیجه نظیره خاندن النمسنه فی ۲۵
کانون ثانی سنه ۳۰۴ تاریخنده اکثریتله قرار
ویریه رك تفهیم قلندی .

ایکنجی محکمه تجارتدن ۱۳ کانون ثانی سنه
۳۰۳ تاریخی والتیوز اون طقوز عددی ایله صادر
اولان اعلامك تمیزینی طوبخانه ده قره غولخانه
اتصالنده یکر می بش نومرولی دکانده ساکن
سبزهی یورکی و شریکی لیغور طرفندن استدعا قلندی
حالدہ تعیین اولنان کونده مرقوماندن لیغور
طرفندن پاپاس اوغلی استیلیانوس ویمز علیه بالی
بازارنده الی بر نومرولی دکانده مقیم یورطه جی
خاجی یورکی پراشکوه افندیلر وکاله کله رک
مستدعیلردن یورکی کلامش ووکیل کوندرمامش
اولدیغندن وکیلان مومی الیهمانك ایضاحات
شفاهیله لری استماع قلندی .

اعلام مذکورك مالی مرقوم خاجی یورکینک
یورطه ایماندن طولایی مرقومان یورکی ولیغور
ذمتلرندہ مطلوبی اولان درتیوز التمش ایکی
غروشك مع فائض تحصیلنه عن الغیاب حکمندن
عبارت اولوب مستدعیلرک اشبو حکم علیهنده کی
اعتراضاتنك خلاصه سی مبلغ مدعابه برکونه سند
ویا اوراقه مستند اولدینی حالده محکمه جه بلا
تحقیق حکم اولنمسی مغایر قانون اولدیغندن بمحله
اعلامك نقضی ومدعی علیه خاجی یورکی وکیلنك
نتیجه جوابی دخی اعتراضات مسروده واهی

وحکم ابتدائی موافق قانون اولدینی بیانیه اعلامك
تصدیق طلبندن عبارت بولنمشدر .

ایجابی مذاکره اولندقدہ اعلام مذکور
مأئندن منفهم اولدینی اوزره دعوی واقعہ مدعی
علیهمانك دعوتہ اجابت ایتما لردن ناشی غیاباً
تحت حکمه انش ایسده اصول محاکمه حقوقیه
قانون موقتیک یوز قرق بشنجی ماده سنده بیان
وتعریف اولدینی وجهله مدعی علیهمانك محافظه
حقوقی ضماننده وکیل تعیین ایدلماش اولدینی کی
مدعی علیهك عدم اجابتی اوزرینه غیاباً جریان
ایده جك محاکمه مدعیك دعواسی بالا طرف
تحقیق اولنهرق مقارن صحت اولدیغنه کسب امنیت
ایدلکجه حکم ویریه به جکی اصول محاکمه تجارت
نظامنامه التمش سکرنجی ماده سی اقتضاسندن ایکن
محکمه جه دعوی واقعہ حقندن برکونه تحقیقات
اجرا قلنماسی دخی ماده مذکورہ حکمنه مغایر
اولدیغندن اصول محاکمه حقوقیه قانون موقتیک
ایکیوز اوتوزایکنجی وایکیوز قرق برنجی ماده لری
موجبجه اعلام مذکورك نقصنه وزیرده مفرداتی
مرقم اوچیوز التمش اوچ غروش مصارف تمیزیه
نك ایلروده حقسز چیقه جق طرفه رجوع ایتك
اوزره اول امرده مستدعیلردن النمسنه ۷ کانون

اول سنه ۳۰۴ تاریخنده متفقاً قرار ویریه رك
تفهیم قلندی .

قره مرسل بدایت محکمه سنندن ۱ نیسان سنه
۳۰۴ تاریخی والی عددی ایله صادر اولان اعلا
مك تمیزینی قره مرسل قضاسنك بازار قریه سنده
مقیم حاجی اوغلی ابراهیم وجمال چاوشلر
استدعا ایتدکری حالده تعیین اولنان کونده اجابت
ایتمدک لردن یمیز علیها سلطان محمد جوارنده قرلی
مسجد محله سننده ساکنه عایشه عصمت خانمك
ایضاحات شفاهیله سی استماع قلندی .

اعلام مذکورك مالی قریه مزبورده کائن
معلوم الحدود بر باب ملک خانه نك زلیخا خاندن
شراء مزبورہ عصمت خانمك عهده تصرفنده اولد
ینی عندالحا که ابراز اولنان طاپوسندی مندرجاتی
ایله تین ایتدیکنندن محله نك بیک یدییوز اوتوز

اليوم دفتر خاقانیده محزن مخصوصنده کال دقتله
حفظ اولنمقده اولوب بو وجهله شبهه تزوير
وتصنيعدن سالم دفاتر معتابهاقيودی اولديني حالده
ماده مذکوریه ياکلش معنی ويريلهرك حکم
اولنمسی مغایر قانون بولنمش اولديغندن اصول
محاکمه حقوقیه قانون موقتک ايجوز قرق برنجی
ماده سی موجبنجه اعلام مذکورک نقصنه وزیرده
مفرداتی مرقم اوچيوز التمش طقوز غروش
مصارف محاکمه نک ایلروده حقسز چيچه حق طرفه
رجوع ایتک اوزره اولامرده مستدعیلردن
النمسنه ۲۸ تشرین ثانی سنه ۳۰۴ تاریخنده متفقاً
قرار ويريلهرك تفهیم قلندی .

اعلان

اوچيوز بش سنه سی تشرین اولنده لیل
برمدلی طناشک اوکنه چيچه ورق صومقده ایکن
اسباب مانعه جلولتیه ماده غصب و سرقتی قعله

یدنجی ماده سی موجبنجه مرقومان ابراهیم و جمال
چاوشلرک دعوی واقعه لرینک ردیه مزبورده نک
تصرف ایتسنه قرار ویرلديکندن و مستدعیلرک
اشبو قرار علیهنده کی اعتراضاتک خلاصه سی منازع
فيه خانه بی قوجه علیدن اشترا ایتدکری محقق
اولديني و مزبورده زلیخا خانمک حق شفعه سی
اولديني حالده مزبورده عصمت خانمه فارغه اولمسی
مجله نک بیک یديوز التمشجي ماده سی موجبنجه
مقید اوله میه جفی یولنده درمیان اولنان افاده سنک
نظر دفته النامسی مغایر قانون اولديغندن بحمله
اعلامک نقضی ومدعی علیها عایشه عصمت خانمک
جوابی دخی منازع فيه اولان خانه نک تفرغاً
عهده سنده بولنديني طاپوسندیه ثابت و خصم لرینک
اعتراضاتی واهی ایدوکی بیانیه اعلامک تصدیقی
طلبندن عبارتدر .

ایجابی مذاکره اولندقدنه دعوی واقعه عقاره
متعلق اولديني حالده ذی الیدلکک مجله نک بیک
یديوز الی دردنجی ماده سی موجبنجه اقامه
شهودایله اثبات ایتدیرلامسی و مجله نک بیک
یديوز او توز یدنجی ماده سنده محرر قیود دفتر
خاقانیدن مراد بوندن بر قاج یوز سنه اقدام مؤتمن
وموئوق محرر لر معرفت لريله تحریر وتنظیم اولنوب

یایاز اوغلی مانوئلک ۳۱۱ نومروسیله مقید
اعلام موجبنجه ماردیک ذمتنده محکوم به الاجبی
اولان مبالغک تأمین استیفاسی ضمتنده مدیون مرقو
مک ایکی عدد کبیر چيچکلری رجفت دستینک جزئی
ایله فروختی دائن طرفندن طلب اولنمسنه بناء بک
اوغلی بدایت محکمه سی ریاست اولیسی جانبندن
تحت قراره النمش اولديغندن اشبو مارتک یدنجی
صالی کونی بک اوغلنده تونل میداننده بلزایده
فروخت اولنه جفی بک اوغلی بدایت محکمه سی
اجرا مأموریتی جانبندن اعلان اولنور .
فی ۲ مارت سنه ۳۱۱

چرچرده خراجچی محی الدین محله سنده
تحمیلر جاده سنده مکرر اوچ نومرولو خانه ده
ساکن صدور عظامدن متوفی مصطفی نظیف افندی
زاده صغیر مؤمن افندی بک ایوب سلطانده قزل
مسجد محله سنده التمش نومرولو خانه ده مقیم ایکن
بوندن اقدام وفات ایدن عسا کر شاهانه بحریه
کتبه سندن امین رشاد بک ذمتنده در سعادت بدایت
محکمه سی برنجی حقوق دائره سنک فی ۲۵ تموز
سنه ۳۱۰ تاریخ و اوچيوز اوچ عددلی برقطعه
اعلامی منطوقجه محکوم به مطلوبی اولان قرق

اوج ایرا یکر می غرو شک مع فائض و مصارف تأمین
استیفاسی ضمننده مدیون متوفای مومی الیهک
تحت تصرفده اولوب مبالغ مزبوره مقابلنده مرهون
وفروختی محکوم بولنان و متوفای مومی الیهک
حال حیاتنده فروخته قسمت عسکری محضر لرندن
صدقی اغای با حجت شرعیه توکیل ایلدیکی بلاطده
حاجی عیسی محله سنده ایا استراطی کلیسای جاده
سنده واقع تخمیناً سکسان ایکی ارشوندن عبارت
تحتانی بودرومی حاوی یتیمش بر نومرولو بر باب
دکانک التمش بر کون ظرفنده اجرا قلنان مزایده
علیه نتیجه سنده ایرای عثمانی یوزغروش حسابیه
سکریک ایکوزغروشده طالبی عهده سنده تقرر
ایتمش اولغله قرار قطعیسی کشیده قلنه جغندن
یوزده بش ضمیمه طالب ودها زیاده معلومات المی
استیانلرک تاریخ اعلاندن اعتباراً نهایت اوتوز
بر کون ظرفنده در سعادت اعلامات نظامیه اجرا
دائرة سنه مراجعت ایلملری ومدت مذکورک
انقضاسندن صکره بر کونه افاده بی قبول اولنمیه جفی
اعلان اولنور .

فی ۲۰ مارت سنه ۳۱۱

تبعه دولت علیه ک روم ملتندن متوفی استوری
ورثه سنک تبعه مشار الیهانک ملت مرقومه سندن
سیمون ذمتنده استانبول محکمه شرعیه سندن
ویریلان ۱۷ رجب سنه ۳۱۲ تاریخی اعلام
شرعی موجبنه الاجق لری اولان مبالغ معلومه ک
تأمین استیفاسی ضمننده فروخته یله تسویه دین
ایلمسی محکوم بولنان غلطده جامع جدید محله سنده
اسکی بالق پازاری جاده سنده واقع یکر می الی
نومروایله مرقم بر باب شربتخانه ک تخمیناً عتیق
ایکیوزاون درت زراع یکر می ایکی بر مق و جدید
یوز یکر می اوج زراع الی درت ساتیم محل اوزرنده
موجود و مستقر شربتخانه کدکنک اشبو تاریخ
اعلاندن اعتباراً اون بش کون صکره فروخته
تشبث اولنه جغندن طالب اولنلرک پی سورمک
وبوندن دها زیاده معلومات المی استیانلرک مدت
مذکوره ختامندن صکره در سعادت اعلامات
شرعیه اجرا دائره سنه مراجعت ایلملری دائره
مذکوره دن اعلان اولنور .

فی ۲۲ مارت سنه ۳۱۱